

# Boars

Die **Boars** (*Perca fluviatilis*, düütsk: *Flussbarsch*) is ne Oard fon Bunkenfisk.

## Inhooldsferteeknis

**Määrkmoale**

**Lieuwendsruum**

**Lieuwend fon sun Boars**

**Wällen**

## Määrkmoale

Die Boars is n Fisk mäd moorere dunkere Twäärs-Striepe an n Körper. Hie häd two Räächflunken, wierfon ju Faandere goud ärkanboare Stielkelstroale häd. Buuk- un Bääterflunken sunt roodsk. Ju Loangte fon dät Diert bedrächt gewöönelk 20 - 30 cm, säilden uk gratter man sieläärghe nit moor as 51 cm. Die Fisk wächt bit tou 4,75 kg.

## Lieuwendsruum

Die Boars lieuwet in rauelk fljootende un stoundende Woatere in groote Deelee fon Eurasien. Wan eenige Wietenskuplere, do der kweede, dät hie touhoope mäd ju Amerikoanske Oard *Perca flavescens* een gemeensoame Oard bildet, gjucht hääbe, rakt dät düsse Oard uk in Amerikoa, man dät is striedich.



On exhibition Subaqueous Vltava, Prague

## Lieuwend fon sun Boars

Doo bleeke Oaiere fon n Boars wäide in bit tou aan Meeter loange Beende oulaid. Ätter füüftien bit twintich Deege sluupje doo litje Boarse. Soloange hie jung is, frät sun Boars wirbelloose Dierte as litje Kräapse un Moaden fon Insekten. Ätter two bit tjo Jiere kon die Boars sik säärm moorje. Wan hie aller is, kon hie uk Fiske frätte, dan frät hie toun Deel sogoar litjere Boarse. Die Boars kon, wan't hooch kumt, tjoon Jiere oold wäide.

## Wällen

- Peter S. Maitland & Keith Linsell: *Süßwasserfische* **KOSMOSnaturführer** ISBN 978-3-440-10962-5

### Boars



N fangden Boars (*Perca fluviatilis*)

### Systematik

*Uuroardenge:* *Acanthopterygii*

*Oardenge:* *Perciformes*

*Unneroardenge:* *Percoidei*

*Familie:* *Percidae*

*Sleek:* *Perca*

*Oard:* **Boars (*Perca fluviatilis*)**

---

Fon "<https://stq.wikipedia.org/w/index.php?title=Boars&oldid=111718>"

---

**Disse Siede wuude toulääst annerd uum 14:48, 8. November 2015.**

Die Text is unner ju Lizenz „Creative Commons Attribution/Share-Alike“ ferföigboar; Bedingungen uurhoop können anweendboar weese. Eenpeldhaide sunt in do Nutsengsbedingungen beschriewen.

Ouroupstatistik